

中国佛教经典丛刊

净土宗大典（十四）

全国图书馆文献缩微复制中心

净土宗大典目录（十四）

净土神珠一卷	清·古昆辑	一
净土承恩集一卷	清·芳慧编	三九
念佛三昧一卷	清·瑞圣叹注	六七
西方确指一卷	清·觉明菩萨说	六九
清珠集一卷	清·治兆辑	八五
莲邦消息一卷	清·妙空子述	一四五
净土极信录一卷	清·戒香述	一七七
念佛起缘弥陀观偈直解一卷	清·张渊述	二一一
净土证心集三卷	清·卍莲述	二二一
净业痛策一卷	清·照莹集	二七三
时时好念佛一卷	清·果能述	二八七
启信杂说一卷	清·周思仁辑	三〇一
净土紺珠一卷	清·德真辑	三一三
修西辑要一卷	清·信庵辑	三七三
莲修起信录六卷	清·程兆鸾录	三八九
持名四十八法一卷	清·郑韦庵述	四四三
琼楼吟稿节钞一卷	清·陶善著	四五五

莲修必读一卷	清·观如集	四六三
普能嵩禅师净土诗一卷	清·德润录	五二七
净土救生船诗一卷	清·宽量集	五三七
报恩论四卷	清·沈善登述	五四五

淨土神珠序

淨土法門。所以稱神珠者。蓋佛德圓融。隨心發現。如摩尼寶。有願必遂。觀經云。諸佛正徧知。海從心想生。是故心想佛時。是心卽是三十二相八十隨形好。是心作佛。是心是佛。既云是心作佛。是心是佛。則知是心作九界。是心是九界。世出世法。無不由心。而作無不卽心。而是故楞嚴云。知其本因。隨所緣出。諸法所生。唯心所現。如是則十方虛空微塵國土。皆是心中之物。離心之外。更無一法可得。故知十世古今。始終不離於當念。無邊刹海。自他不隔於毫端。十萬億刹之遐方。的是唯心之淨土。八萬四千之妙相。得非本性之彌陀。余從前捨西方極樂。別言唯心淨土。捨萬德慈尊。別言自性彌陀。背樂邦之慈父。墮死水之深坑。真可哀哉。懋西大師。盡棄舊習。力究此宗。見時人之謬。解愍自己之前非。集諸聖之誠言。闡一乘之妙旨。名之曰淨土神珠。欲令修淨業者。了知現前一念。具無量義。信彌陀依正。還在西方。西方依正。不離本性。迴神億刹。實生自己。心中孕質。九蓮豈逃刹那際。

內神珠之義。良在於斯。予深愧下愚。無言可讚。聊記親聞。以表師志。云爾。壬申夏。淨業學者芳慧拜識。

淨土神珠目錄

自序

往生淨土決疑文

彌陀經正信發願偈

彌陀經勸持序

往生淨土繫緣門

往生淨土懺願儀序

往生西方略傳序

依修多羅立往生正信偈釋華嚴賢首讚佛偈

彌陀經通讚序

彌陀經義疏序

彌陀經圓中鈔

持名方法

無生論三觀法爾

觀經義疏序

觀無量壽經序

無量壽佛讚

觀經妙宗鈔

神棲安養賦

秘藏指南

普說

念佛卽禪觀論

靈峯寺淨業緣起

惠應寺放生蓮社序

贈鄭完德念佛序

忍草沙彌化念佛疏

念佛要旨

止觀息緣務

呵五欲

棄五蓋

不思議境

發菩提心

善巧安心

安忍

四悉檀

慈雲懺主書紳

翠巖禪師警僧銘

淨土神珠

幽溪傳法後裔 古崑 集

淨土神珠者何現前一念心性靈妙莫測之謂也。彌陀經稱讚不可思議功德一切諸佛所護念者蓋爲此也。古今賢聖極力弘通寶王三昧亦爲此也。此心性者本自豎窮橫徧不生不滅本具十方諸佛淨妙國土是故實有西方彌陀淨土宛然在中無奈衆生障重不能得見故勞娑婆教主開方便門十方世尊出廣長舌故妙宗云心藏具法有何邊涯無妙觀緣隱而不發今依佛語順性想之寶地光明種種奇相隨心出現宗論云現前一念之心亘古亘今故名無量壽靈明洞徹故名無量光果能念念執持阿彌陀

佛卽是念念證無量壽放無量光果因交徹微妙難思諸佛護念其在茲焉故知淨土乃無上心要如意珠頓含衆寶復何疑哉余惜從前雖喜淨土不知其實每問禪友皆云唯心淨土自性彌陀不可著相因此雖喜念佛但只著空而已後閱台淨二宗及無生論始知淨土實境昭彰卽是唯心彌陀眞身顯現卽是自性實有淨土可生實有彌陀可見故云生本無生生四土見猶離見見三身從茲死心念佛求生謹將鄙見起信要言略集成編以此自勉并告同心所願廣開解目深入行門一句彌陀包含無盡佛功德海當念圓成釋迦勸讚諸佛同宣凡有信者不可不盡心而力行之也

往生淨土決疑文

慈雲大師

十方淨穢卷懷同在於剎那一念色心羅列徧收於法界並天真本具非緣起新成一念既然一塵亦爾故能一一塵中一切剎一一心中一切心一一心塵復互周重重無盡無障礙一時頓現非隱顯一切圓成無勝劣若神珠頓含衆寶猶帝網交映千光我心

既然生佛體等如此。方了迴神。億刹實生。自己心中。孕質九蓮。豈逃刹那際內。苟事理攸隔。淨穢相妨。安令五逆凡夫。十念便登寶土。二乘賢輩。迴心即達金池也哉。信此圓談。事無不達。昧斯至理。觸類皆迷。華嚴云。心如工畫師。造種種五陰。一切世間中。無不從心造。如心佛亦爾。如佛衆生然。心佛及衆生。是三無差別。起信論所言。法者謂衆生心。是心即攝一切世間出世間法。依此示摩訶衍義。摩訶衍大乘也。若非此心安堪乘運。十

相各有行類。上輩三品。須解須行。故云汝行大乘解第一義。學者見賢思齊。企金座而高升。當妙觀之。是託若中下六品生。因只精持禁戒。行世仁慈。至下下品。本是惡逆十念。精誠便生彼國。但知有淨土。盡可迴心也。世人縱云淨土出大乘不能如上約教甄簡寧逃混蓋未足決疑

彌陀經正信發願偈

稽首十方佛。彌陀聖中尊。方等修多羅。一切法寶藏。觀音及勢至。大地菩薩僧。我以誠信心。刻板并印造。阿彌陀經卷。及以正信偈。旋造各一萬。施四衆受持。偈以發信心。經以資讀誦。若有每日中。至少誦三卷。年誦千八十年。萬八百。況復多誦者。及歷多年數。如是積功德。自然生佛前。我此萬卷經。隨所流布處。極少得一人。誦持生淨土。我願承此力。決定生彼國。況復於多人。人亡經復在。展轉相傳授。是名無盡燈。燈燈相照耀。破生死長夜。顯出佛菩提。究竟悉同生。常寂光淨土。持此清淨福。迴向奉君親。我國聖帝王。及聖后聖。位仁壽各萬年。覆育羣氓類。我父母眷屬。怨親非怨親。咸承勝善根。同生安養國。

阿彌陀經勸持序

此經文句雖約與大本意同上。聖起緣廣略異耳。依正主伴。於是備焉。願行方軌。有加諸說。辭簡義博。諷易功多。良在茲矣。初則廣讚依正引物。忻求次則六方引同。訓勉生信。三則舉難況易。使聞者知歸第一。廣讚依正者。初讚次勸。脩願行佛告長老。下標立所讚彼土。何故名爲極樂。下先讚依果。卽珠網麗天。瓊林轟地。一池流八德。蓮吐四光。二天樂韻於六時。祇華散於億刹。三化禽演於道品。風樹傳於法音。四舍利弗於汝意。下廣讚正報。先讚化主。相好八萬。舉光明以徧收功德。喻沙言壽命以統括成佛十劫。簡過未以釋疑。以上又舍利弗。下讚眷屬。聲聞雖衆。皆發大心。菩薩云多。率居補處。生者咸歸於定。聚趣途卽預於阿鞞。已上次衆生聞者。下勸脩願行。先願次不。可以少善。根下脩行。一日等者。正在用心之厚。薄不在實時之久近。宜遵一心不亂。其人臨命終下。明得果我見是利下。結勸次如我今者。下第二六方引同。訓勉生信。先引同次於汝意。下勸信亦是勸持。如我

今者下第三舉難況易。五濁得道爲難。淨土脩行則易。並如文請先熟尋節段。然後誦文。則起盡有倫功不虛棄。如或清晨靜夜。收視聽以端。居口誦心游。蕩神明於幽極。氛累斯滌。淨境弗迷。廣舌勸持。豈不然也。

往生淨土繫緣門

繫緣門者。凡公臨私。養歷涉緣。務雖造次。常不忘佛。及憶淨土。如切事繫心。雖種種作。務不妨密憶前事。念佛亦如是。若失念。數數攝還。久久成性。任運常憶。楞嚴經譬如有人。一專爲憶。一人專忘。如是二人。若逢不逢。或見非見。二人相憶。二憶念深。如是乃至從生至生。同於形影。不相乖異。十方如來。憐念衆生。如母憶子。若子逃逝。雖憶何爲。子若憶母。如母憶時。母子歷生。不相違遠。若衆生心。憶佛念佛。現前當來。必定見佛。去佛不遠。不假方便。自得心開。如染香人。身有香氣。如此繫心。任運常遮一切惡念。設欲作惡。憶佛之故。惡不能成。縱隨惡作惡業。時心常下。更如身有香自然離臭。又復覺心微起惡念。卽便憶佛。以佛

力故惡念自息。如人遇難求彼彊援。必得免脫。又見他受苦。以念佛心憐愍於彼。願其離苦。若斷刑獄。以念佛故。生憫念心。願生淨土。誓相救濟。凡歷一切境界。若善若惡。由心憶佛。皆心念作願。故普賢願王云。作一切惡。皆不成。就若作善業。皆悉和合。卽此意爾。如是相續念佛在心。能辦一切淨因功德。恐煩披覽。不復具說。誠哉此門爲益最大。

往生淨土懺願儀序

原其諸佛憫物迷盲。設多方便而引取之。但唯安養淨業捷直。可脩諸大乘經皆啓斯要。十方諸佛無不稱美者也。若比丘四衆及善男女。諸根缺具者。欲得速破無明諸闇。欲得永滅五逆十惡。犯禁重罪。及餘輕過。當脩此法。欲得還復清淨。大小戒律。現前得念佛三昧。及能具足一切菩薩諸波羅密門者。當學此法。欲得臨終離諸怖畏。身心安快喜悅。如歸光照室宅。異香音樂。阿彌陀佛觀音勢至。現在其前。送紫金臺。授手接引。五道橫截。九品長聲。謝去熱惱。安息清涼。初離塵勞。便至不退。不歷長劫。卽得無生者。當學

是法。欲脩少法而感妙報。十方諸佛俱時稱讚。現前授記。一念供養無央數佛。卽還本國。與彌陀坐。食觀音議。論勢至行步。眼耳洞視。微聞身量。無際飛空。自在宿命了。徧見五道如鏡面像。念念證入無盡三昧。如是稱述不可窮盡。應當脩習此之勝法。如所說者。皆實不虛。十方諸佛出廣長舌稱美此事。以示不妄。我等云何敢不信佛。今取淨土衆經立此行法。若欲廣知尋經補益。

往生西方略傳序

維西方淨土者。瓊林寶網。珠閣瑤池。超億刹於玉毫。耀千光於沙界。諸佛同讚。羣賢所宗。徧吉曼殊。咸願生乎其國。天親彌勒。皆誓往於彼方。大聖尙然。況常徒者也。至若散因定業。少善多福。截五道而長。瞻九品以高升。直到薩雲。無復退轉。故彼佛本願云。設我得佛。十方衆生。至心信樂。欲生我國。乃至十念。若不生者。不取正覺。唯除五逆。誹謗正法。今旣幸無逆罪。不謗大乘。豈有願求而不遂也。況復十六觀云。下品下生者。具足諸罪。四重五逆。謗方等法。地獄火現。

十念稱佛。地獄猛火化爲涼風。卽生彼土。斯則又許逆罪之輩。十念得生。況無此罪者乎。推此而言。宜各自信。凡願生者。無不遂心。故天台智者臨終讚曰。四十八願莊嚴淨土。華池寶樹。易往無人。火車相現。一念改悔。尙得往生。況戒定熏修。淨行道力。實不唐捐。又本願云。十方衆生。聞我名號。繫念我國。迴向欲生。若不果遂者。誓不成佛。又應校量業行。久近者。十念信樂。尙生彼國。況復一日信樂者。況復一月一年一生。而信樂者耶。又應校量滅罪輕重者。一念滅八十億劫生死重罪。重罪者。出佛身血。破和合僧。殺阿羅漢。殺父母。殺母也。一念稱佛滅罪。既爾。況復十念所滅罪耶。況復一日一月一年一生念佛所滅罪耳。重逆尙滅。況輕罪乎。又應校量念佛功德。比餘善根優劣之相者。經云。若人以四事極好之物。供養三千大千世界滿中阿羅漢。辟支聖人。所得福德。不如有人一合掌。一稱南無佛陀。如彼太千聖福。假使百分千分百千億分。算數譬喻。皆所不及。一稱佛名者。功德無量。一稱佛名功德。尙爾。況復十念佛者。況復一日一月一年一生念阿彌陀佛。

者所得功德。耶復次。應知念佛之人。現世安隱。衆聖守護。離諸災厄。且近校量。今時風俗。競祭鬼神。求其福祐。望得安隱。信邪殺命。造罪結冤。必無福慶。而可利人。虛招來生地獄罪報。易曰。積不善之家。必有余殃。殺生害命。祖承祭法。非一朝一夕。豈非積不善耶。殃咎何疑也。若言殺生。非不善者。古今帝王。何故仁慈化世。勝殘去殺。禽魚遂性。令登壽域。咸稱善耶。然祭祀之法。天竺韋陀支那祀典。既未逃於世論。眞誘俗之權方。周公雖稱事神不達。彙征之道。仲尼焉能事鬼。蓋迷六趣之源。老氏經既混於九流。莊子未移於百氏。惟釋宗所辨曲盡其理。天趣在上。人居其次。脩羅處中。鬼畜斯下。今以人事神。其猶俛首就足。抑君奉民。何逆之甚也。又鬼有邪力。事之既久。物羣方類死墮。其中世其迷哉。且三界大師。萬德慈父。歸之者。罪滅尙之者。福生。諸經具說。若能暫歸三寶。受持一佛名者。現世當獲十種勝利。一者晝夜常得一切諸天大力神將。河沙眷屬。隱形守護。二者常得二十五大菩薩。如觀世音等。及一切菩薩。常隨守護。二者

常爲諸佛晝夜護念。阿彌陀佛常放光明。攝受此人。四者一切惡鬼。若夜叉若羅刹。皆不能害。一切毒蛇。毒龍毒藥。悉不能中。五者一切火難水難。冤賊刀箭。牢獄枷杻。橫死枉死。悉皆不受。六者先所作罪。皆悉消滅。所殺冤命。彼蒙解脫。更無執對。七者夜夢正直。或復夢見阿彌陀佛。勝妙色像。入者心常歡喜。顯色光澤。氣力充盛。所作吉利。九者常爲一切世間人民。恭敬供養。歡喜禮拜。猶如敬佛。十者命終之時。心無怖畏。正念歡喜。現前得見阿彌陀佛。及諸聖衆。持金蓮臺。接引往生。西方淨土。盡未來際。受勝妙樂。諸有智人。請觀念佛所獲現世福利功德。豈同世人。祠祀之法。現無福利。未來受苦。耶。又復當信一切大乘經典。皆證西方莊嚴淨土。勸令往生。若華嚴方等般若法華涅槃諸部諸經。皆示行相及讚功德。又諸菩薩。天親龍樹。皆各造論。稱讚淨土。又此方諸法師禪師。各造論著疏。光讚西方道安法師往生論十卷。慧遠法師造勸經疏一卷。天台智者造十疑論觀經疏。彌陀經疏各一卷。道綽禪師撰安樂集三卷。善導和尚

立五會教。勸人念佛。造觀經疏一卷。二十四讀六時禮文各一卷。懷感法師得念佛三昧。造決疑論七卷。慈愍三藏撰淨土慈悲集三卷。慈恩法師造彌陀經疏二卷。鎮國沙門澄觀造觀經疏一卷。有誰聞此衆聖稱揚。誘勸往生。而不信樂。除彼不肖人。癡瞋無智者。斯更復引自古及今。西天東夏。道俗士女。往生高人。三十三條顯驗之事。具示將來。諸有賢達。願共往生云也。

依修多羅立往生正信偈

若人能誦持此偈。得三種利益。一得常持諸大乘經。首題名字。二得增長淨土信心。三得聞者深信淨土。若遇臨終者。高聲誦一返二返。然後勸令念佛。

稽首西方安樂刹。彌陀世主大慈尊。我依種種修多羅。成就往生決定信。

住大乘者清淨心。十念念彼無量壽。臨終夢佛定往生。大寶積經如是說。

五逆地獄衆火現。值善知識發猛心。十念稱佛卽往生。十六觀經如是說。若有歡喜信樂心。下至十念卽往生。若不爾者不成。

佛四十八願如是說

諸有聞名生至心一念迴向卽往生唯除五逆謗正法無量壽經如是說

臨終不能觀及念但作生意知有佛此人氣絕卽往生大法鼓經如是說

一日一夜懸繒蓋專念往生心不斷臥中夢佛卽往生無量壽經如是說

晝夜一日稱佛名殷勤精進不斷絕展轉相勸同往生大悲經中如是說

一日二日若七日執持名號心不亂佛現其前卽往生阿彌陀經如是說

若人聞彼阿彌陀一日二日若過等緊念現前卽往生般舟經中如是說

十日十夜六時中五體禮佛念不斷現見彼佛卽往生鼓音王經如是說

十日十夜夜齋戒懸繒幡蓋然香燈繫念不斷得往生無量壽經如是說

若人專念一方佛或行或坐七七七日現身見佛卽往

生大集經中如是說

若人自誓常經行九十日中不坐臥三昧中見阿彌陀佛立經中如是說

若人端坐正西向九十日中常念佛能成三昧生佛前文殊般若如是說

我於衆經頌少分如是說者無窮盡願同聞者生正信佛語真實無欺誑

疑者曰觀此偈有十念下至一念生信樂者乃至但作生意知有佛亦生彼國又有七七日九拾日念佛方乃得生豈非淨土是一何故修因願異釋曰淨土雖一生者自殊無量壽經總分三輩十六觀經開作九品若更細分亦應無量又疑曰下品等輩修因既淺應有退墮釋曰不然得九品華開有遲速去佛有遠近得道有利鈍而生彼者例皆不退經云其有生者悉住正定之聚又云衆生者皆是阿鞞跋致此言不退十疑論中有五種因緣故不退一者阿彌陀佛大悲願力攝持故不退二者佛光常照故菩提心常增進不退三者水鳥樹林風聲樂響皆說苦空

聞者常起念佛念法念僧之心故不退。四者彼國鈍諸菩薩以爲良友無惡緣。境外無鬼神邪魔。內無三毒等煩惱。畢竟不起故不退。五者生彼國卽壽命永劫共菩薩佛齊等故不退。況此惡世非但闕此五緣。抑乃惡友知識。聲色醉亂。魔鬼盜眞。壽命短促。五種皆惡妨惱修道。沿劫空過。願熟思之。願熟思之。

或曰一切法本無生無滅平等空寂。何用強勸捨此求彼。釋曰若云求生西方以爲取捨。乖平等理者。汝還非彼執。此豈不乖理耶。若轉計云我亦不求生於彼。亦不求生於此者。則是生斷滅見。金剛般若經豈不談空佛誠須菩提云汝莫作是念發菩提心者於法不說斷滅相眞解空者卽於因緣法中了生無生性滅無滅性非謂斷無爲不生滅也。中論云因緣所生法我說卽是空不云滅無後空也。維摩經云雖知諸佛國及與衆生空而常修淨土教化諸羣生。或曰淨土在心何須外覓。隨其心淨則佛土淨。豈用邈然求生他方淨土耶。釋曰子又不善心土之義也。將謂我心局在方寸便見西方。復在域外。苟如此者。又云

何說心淨則佛土淨耶。華嚴云心佛及衆生是三無差別。佛法旣徧心法亦徧。若各有方面何謂無差。又云游心法界如虛空。虛空豈有分隔。若了一念心徧一塵亦徧十萬億刹。咫尺步之間豈在心外。世人若談空理便撥略因果。若談自心便不信有外諸法。豈唯謗法亦謗自心。殃墜萬劫良可痛哉。妄造是非障他淨土眞惡知識也。無量壽經云佛告彌勒菩薩諸天人等無量壽國聲聞菩薩功德智慧不可稱說。又其國土微妙安樂清淨。若此何不力爲善念道之自然。宜各勤精進努力自求之。必得超絕去。往生安樂國。橫截五惡道。惡道自然閉。升道無窮極。易往而無人。其國無違逆。自然之所牽。何不棄世事。勤行求道。總可得極長生壽樂無窮極。

釋華嚴賢首讚佛偈

又放光明名見佛。此光覺悟將終者。令隨憶念見如來。命終得生其淨土。見有臨終勸念佛。及示尊像令瞻敬。俾於佛所深歸仰。是故得成此光明。

此二偈者前四句讚佛放光其光名爲見佛能令臨終者見佛往生後四句讚佛修此光明之因其因者只是勸臨終人念佛并示其佛像故成佛時得此光明今廣施此偈者蓋勸深信者凡遇眷屬及一切人臨命終時失於床前安置佛像令彼眼見及勸令念佛若苦痛所逼或先無信心不肯念佛者亦須種種方便勸令稱佛下至十念得滅重罪生佛淨土此一利益不可思議若勸得一人生淨土縱自不修行亦合得生佛國況當來成佛能放光明照一切衆生臨終見佛也多見世人爲恩愛故聚頭哭泣不思救度苦哉苦哉名爲惡知識也恩愛所牽墮落惡道無解脫期世間有五種人不肯念佛一者先無信心二者戀著財寶三者不捨妻子四者自惜身命五者罪業所障死墮地獄願早覺悟

阿彌陀經通讀序

慈恩法師

詳夫理絕衆詮豈三乘之可攝智圓萬德非十地以能觀布慈雲而蔭四生洒法雨而津九有由是降神兜率誕跡迦維厭欲樂於王宮獲眞常於覺樹良以

羣生業惑魔黨增強騰苦海以闢三途溺慈舟而吞萬善是以高張教網直指淨方是入聖之玄門乃超凡之妙躋十重淨土約地位以等差九品蓮臺契根宜之次第大矣哉迴拋空有之門獨顯斷常之表佛者覺道已圓說者慈心演法阿彌陀者無量壽也經者常法貫攝也常則百王不易法則千代同規攝則包括衆詮貫則通達妙理故云佛說阿彌陀經也

阿彌陀經義疏序

孤山法師

夫心性之爲體也明乎靜乎一而已矣無凡聖焉無依正焉無延促焉無淨穢焉及其感物隨緣而變則爲六凡焉爲四聖焉有依焉有正焉依正既作則身壽有延促矣國土有淨穢矣吾佛大聖人得明靜之一者也乃假道於慈託宿於悲將欲歛羣迷使復其本於是乎無身而示身無土而示土延其壽淨其土俾其忻促其壽穢其土俾其厭忻且厭則漸誘之策行矣是故釋迦現有量而取穢土非欲其厭耶彌陀現無量而取淨土非欲其忻乎此則折之彼則攝之使其復本而達性耳故淨名曰隨所調伏衆生而

取佛土者。其是之謂乎。雖寶樓金池。爲悅目之翫。而非惑蕩之色。而能達唯心無境矣。雖風樹鳥聲。有入耳之娛。而非滂濫之音。而能念三寶有歸矣。夫如是。則復乎明靜之體者。如轉掌耳。經云。衆生。生者。皆是阿鞞跋致。是也大矣哉。聖人之善權也。如此是。故羣經森列。而偏讚淨方。其有旨哉。佛說阿彌陀經者。其偏讚之謂歟。吾愛其辭簡而理明。其文約而事備。足可以誘弱喪。而擊童蒙焉。於是約龍樹之宗。準智者之說。依經辯理。爲之義疏。若極深研幾。則吾豈敢庶乎有助於眞風。爲益於後昆爾。

阿彌陀經圓中鈔

幽溪大師

凡諸佛應身接物。有乎四益。一以形益現身是也。二以光益放光是也。三以聲益說法是也。四以通益現神足是也。唯阿彌陀四益之外。更加之以名接物。以其有本時所發誓願故也。餘之四接。其攝機也。狹唯以名接物。其攝機也。廣。旣彌陀以名而接物。故衆生得以耳聞。而口誦。豈唯一稱嘉號。而萬德齊彰。且又無邊聖德。攬入識心。永爲佛種。除罪證道。不可思議。

其善根功德。豈小小哉。竊原淨土法門。其所開示一也。唯所修之方。厥門雖多。要其所歸。不出二種。一曰正修。二曰助行。於正脩中。其法有二。一觀想。二持名。專心作觀。則文載觀經。專心持名。則文載此經。若觀想與持名。兩者並行。則文載般舟三昧經。今欲明其義。則有五種不同。一名實不同。名即佛界假名。實則佛界五陰。與夫國土。觀五陰實法。則觀經所示。佛菩薩三輩往生等九觀。觀依報國土。則觀經所示。日冰地樹等六觀。若般舟經所示。但觀佛身正報實法而已。今經所示。但持假名。故曰。聞說阿彌陀佛。執持名號。是則依此經修。但以稱佛名號六字音聲。而爲所緣之境。無以觀佛相好。以蓋經宗。所謂一稱嘉號。萬德齊彰。舉假名而全收實法。故知此經所示。乃提綱挈領之法門也。二緩急不同。如觀經所示。十六妙觀。始修日觀。必待成就。然後改觀水觀。冰等。緩緩而進。辦在一生。此經所示。持名方法。極其長期。在於七日。其次或六。或五。乃至一日。執持名號。一心不亂。并觀經下輩往生。大彌陀經。臨終十念。即得往生。故知

此經所示乃以急勝緩之法門也。三難易不同。觀經修觀以凡夫之人心想羸劣。故先示日觀。西向以攝其心。待心靜細。然後觀水觀冰。乃至像觀成就。然後觀佛真身。此必久修成熟之機。乃可行之。今經所示初心。凡夫。但是有口能稱。有信能念。皆可修之。故知此經所示。乃至簡至易之法門也。四純間不同。十六觀門。初心修者。跏趺入定。然後可觀。出定。歷緣非其境界。若執持名號。不間閒忙。不拘動靜。行住坐臥。皆可修之。故知此經所示。乃至捷至徑之法門也。五攝機不同。若依觀經所脩。唯被上根。故所修之機。狹而不廣。稱名之法。不擇賢愚。不揀男女。若貧若富。若貴若賤。皆可修之。故知此經所示。乃攝機極廣之法門也。是則此經所明境界。只須唯約執持名號。爲所觀境。若事若理。悉以此而解說。修行不必更約觀佛相好。而雜附之。

持名方法

經云。若有善男子。善女人。聞說阿彌陀佛。執持名號。若一日。若二日。若三日。若四日。若五日。若六日。若七

日。一心不亂。略解云。執謂執受。持謂任持。信力故。執受在心。念力故。任持不忘。若者不定之辭。利根一日一念。鈍根或至七七日行。成縱未破惑定。爲往生之因。一心不亂。有事有理。事一心者。行者繁緣憶念阿彌陀佛。相好光明。無分散意念。念無間名。事一心者。了達能念之心。所念之佛。皆無自性。雖本來空寂。而感應道交。如鏡像水月。任運顯發。當處皆空。全體卽假。二邊叵得。中道不存。三諦圓融。絕思絕議。名理一心。須了達法界。唯心心外無境。彌陀相好。元是自心。十萬億刹。不踰當念。以性具諸法。故不從他得。圓中鈔云。了達下明。卽空義。言能念所念。皆無自性者。此約四性而體達無生也。應云。亦無他性。共性無因。性文之略也。此中宜以能念之心。本空爲無自性。所念彌陀本空。爲無他性。感應道交。如鏡像水月。爲無共性。任運顯發。爲無無因性。此乃攝後歸前。以明無有四性也。次雖本來空寂。下明卽假也。上二句約法明。假下二句約喻明。假乃以形之與水。喻感鏡之與月。喻應鏡月本無心。而自然現乎影像。形水亦

無意而法爾感乎鏡月功至往生任運顯益也。當處皆空者有即空也。全體即假者空即有也。有即空則有即非。有空即有則空即非。空非空非有則中道昭然。即空即有則中道亦亡。故曰二邊叵得中道不存。如是則所觀之境三諦圓融。能觀之心絕思絕議。事理二門已如解中略示。若欲更明其旨。則又有橫豎二種不同。橫論三觀則能念屬乎三觀。所念屬乎三諦。如正稱名時了能稱心非內非外無形無狀。即空觀雖非內外形狀。而此能念之心歷歷分明。即假觀而此能念非離假而有空。亦非離空而有假。雙遮雙照。即中觀所稱佛名及以音聲如谷中響如水中月。了不可得。即真諦雖不可得而佛號音聲宛然在口。顯然在耳。即俗諦而此所念亦非離真而有俗。亦非離俗而有真。俱存俱忘。即中諦此橫論三觀三諦也。若豎論者祇以一心不亂萬緣俱寂者爲空觀。以所念六字聖號朗朗分明者爲假觀。能念雖空而念者宛然所念雖假而谷響不實如是則即空不空而空即假即假非假而假即空雙遮雙照境觀雙忘。所謂

境爲妙假觀爲空境觀雙忘即是中忘照何嘗有先後一心融絕了無踪。若然者求生淨土之人但以一心不亂而執持名號祇執持名號而一心不亂無邊妙義咸在其中。不思議觀非離當體可謂全性起修全修在性也。

又須了知經中之意一心不亂欲使因果名目相應也。執持名號欲使生佛感應道交也。因果名目相應者極衆稱爲淨土。唯其心淨而後佛土淨。但心淨土淨其義甚通。圓伏五住圓破三惑皆名心淨。而此心淨感佛土淨則圓該四土。今是同居淨土只須一日至於七日執持名號一心不亂以爲心淨往生之因。二生佛感應道交者彌陀妙應既是果人復有宿誓令我持名是故必須執持名號以爲心淨往生之因。故一心不亂與執持名號二義相須闕一不可。故此經宗須以四句料簡。一是一心非持名即尋常修禪與夫一心修諸衆行又無回向發願悉非往生正因。二是持名非一心即散心持名雖是佛乘緣種亦非往生正因。三非一心非持名即悠悠凡夫作諸善事。